

特 116

208

白陽書屋絕句

少白山人



始



屋	向
絕	陽
句	書

特116
208



斷句編成五彩揚風流
絕世古榛洋青山合布
鍾靈秀毓詩人

大正
13. 11. 20
内交




木向陽 強不求奇自

是為恒蹊淨者餘涉
便第一極不依傍獨注獸

來唯此待

磯野惟秋存題





五十學詩仲武年篋中贏得若干篇平生心血留
天地輯作吾家第一編
雕飾無才少綺羅文章奈此寂寥何從教理得積
成册匹似寒山枯木多
舊稿檢來朱手磨欲刪未定可如何縱無熊掌一
鬻美自是陳陳離肋多

大正甲子孟夏

向陽 木南保

向陽書屋絕句甲籤

丁巳

木南保 正卿

謝月山博士見贈其先考白山詩鈔

白山崑嶷壓群山唯可仰瞻難可攀忽見玲瓏千古雪凝成珠璣
落人間

登再度山

老樹層嵐絕點埃澗花迎我一齊開閑人例剩煙霞癖再度山頭
再度來

過須磨

清世也無刁斗鳴
征人車上聽潮聲
松青沙白須磨路
咫尺蓬萊宮下行

舞子濱

沙白松青潮色明
風光如此畫難成
爭如少上才人筆
薄倖堪憐舞子名

和州途上

看盡萋萋千畝黃
行行又會白梨鄉
吟鞋怕踏金銀路
滿地春風衣袂香

葡萄添竹引龍鬚
滿畝春風別作區
美酒釀成偏有恨
終無一滴入寒厨

一帶山河形勝雄
當年洪業想天功
春風春雨三千歲
神武帝陵煙靄中

長谷寺

釵光帽影去來頻
半是游人半賽人
深睡牡丹魂未返
櫻花占斷梵宮春

郡山所見

萬櫻埋盡古城墟
雲彩霞光畫不如
憐箇茜裙三五影
花陰深處

賣金魚

石上神宮

一邱叢樹布留宮鎮護國家靈德崇松籟無聲春晝寂神鴉啼過
翠嵐中

法隆寺

夕陽高塔著啼鴉壁畫爛斑剩歲華忍問一千年外事春風開落
野棠花

萬福寺

名僧當日拓蒿萊喝破人閒煩惱來滿地落花如雪白春風吹老

古禪臺

平等院

笑殺爵臺銅鳳凰曹瞞豪侈跡茫茫請看此地千年久王鳥依然
金色光

拜桃山陵

忍向春風說聖恩落花啼鳥易黃昏滂沱不禁千行淚咫尺雙陵
拜御魂

南都

無復花驄陌上嘶當年輦路草萋萋南都春色淡如水大極殿空

鶯亂啼

六代繁華草樹荒
幾枝高塔掛斜陽
行人拄杖感多少
殘雪梅花二月堂

字治

江山千古夢茫茫
長記功名屬四郎
駿馬不嘶春水碧
斷磯剩見捕魚場

題畫

垂柳垂楊雨始晴
渡頭一抹淡煙橫
桃花流水半篙碧
畫舫何人載酒行

春日山居

遠處如簷近處笙
無山無谷不鳴鶯
雙柑斗酒人誰到
豈忍幽窻私此聲

門無賓客攬風煙
窻有琴書隔世緣
黃鳥歌喉嬌似喚
青山醒色靜如眠

春寺

塔尖無影夕陽微
祇樹煙疎鳥未歸
一杵鐘聲風又起
飛花亂點老僧衣

木魚聲斷只泉聲
寂寞空庭塔影橫
林樹無風花自落
老僧趺坐

聽流鶯

春閨詞

綠鬆懶理玉搔頭瘦損容華慘似秋鸚鵡無言人不語滿簾花影
鎖春愁

粧閣生塵鏡一枚香消鬢色似雲頰侍姬誤掣金鈴索花上雙禽
去不來

鸞婦詞

勤苦不知顏色衰何邊粉黛作容姿偷閒劣理髮鬆髮正是鸞兒
入睡時

一身孤負百花春守箔執筐多苦辛錦繡綾羅無賴甚鸞衣不屬
養鸞人

春日江村

東風吹綠入江隈一路煙村霽色開緯柳經楊千萬縷鶯梭得意
織春來

詠柳

宅外五株誰息游睡中一夢忽生憂無雙清節陶彭澤絕代文豪
柳柳州
風前橫拂又斜捎恐觸檐頭雙燕巢幾欲剪除終不忍丁寧撓得

約柔梢

婀娜千絲萬縷垂陌頭盡日被風吹好將水調按新譜一曲誰歌
楊叛兒

雨中牡丹

曾爲君王誤畫眉風猜雨妬力難支前身薄命今猶似休說馬嵬
腸斷時

白牡丹

由來國色有光香洗盡燕脂淡作粧魏紫姚黃皆北面此花真箇
是花王

晚春卽事

半卷香奩詩懶看一聲黃鳥語將殘十分春色九分盡細雨如絲
紅藥寒

芳野

淒迷落日古皇陵滿目青山白霧凝忍問前朝遺恨地伽藍空剩
乞錢僧

半壁空山夕日頽古陵濺淚幾低徊春風有恨年年似吹落櫻花
六百回

漁翁

嘯吟時破白鷗眠沽酒柳陰還繫船楚水吳山皆我有長竿笑拂
大江煙

詠俄國近事

愛著深宮醉海棠一朝鼙鼓動漁陽歷山當日三郎似定是淋鈴
更斷腸

絕無臣子記君恩翻覆人情不耐言誰道冕旒天子貴到頭應羨
布衣尊

元首曾矜聖且神俄然失位亦前因誰能夠節報天子三億萬中
無一人

時事記感

歷劫紅羊不耐論重光何日照乾坤羸顛劉起皆同轍孰與神州
一系尊

夏日田園

何來螢火兩三飛一味新涼上葛衣林外有聲煙影暗料知鄰叟
叱牛歸

蛙聲斷續水聲喧溪畔人家未掩門一白卯花籬落雪借將初月
繪黃昏

村醪一酌興如何呼起詩魔驅睡魔茅屋三閒涼似水芭蕉葉大

雨聲多

雨晴荒徑燕泥香一帶農村野趣長柴戶晝扃人不見青蕪曬在竹籬傍

多半了他農課程如何野叟此時情村醪一醉曲肱睡陣陣薰風吹野聲

可憐村女著青蓑冒雨插秧辛苦多慙殺吾人無一事閑窻漫賦插秧歌

四面田田綠繞家蛙鳴慣聽夜無譁疎簾捲盡臨風坐明滅燈前剖水瓜

相助夫妻在夏畦母牛舐犢臥林隄新蟾照影未歸得家有嬰兒求乳啼

風雨鳴檐過一宵夢中猶怕損芭蕉小童早起忙來報已失前溪獨木橋

庖刀有響乍清涼日午猶能帶露香一笑作詩終未巧年年却熟種瓜方

秋日田園

數家巷口夕陽中路自林篁缺處通杳杳秋酣香九里一村黃散木犀風

古驛門頭翻旭旂紅楓如錦映斜暉三年無恙了兵役某子某孫
今日歸

一路山村曉色鋪梯田稻熟雀鴉呼草人頭上霜如雪憐汝老來
威力無

啣軋有聲霜夜天妻孥打稻竹檐前家翁老去無農課伴得愛孫
隨意眠

收稼西郊人未回暮鴉啼斷月將催守家老媪可憐甚欲賺穉孫
煨芋來

四野秋殘封稻堆斜陽如水暮寒催屋頭柿實赤於火偷眼飢鴉

去復來

墟落蕭條迷夕陽歸鴉啼過暮煙蒼蕎花子熟已無雪野菊欲殘
猶有香

冬日田園

野田啼過兩三鴉滿目荒涼廢徑斜一樹茶梅花始發夕陽紅媚
老農家

四顧蕭條野水西繁霜如雪曉寒淒田疇淨盡無遺穗三兩飢鴉
相喚啼

雪達磨

玲瓏幻出玉如粧
跌坐端然見佛光
頓悟一朝空寂寂
何須面壁九年長

白鷺城登臨

當年偉略憶豐公
此日登臨氣象雄
寸馬豆人皆可數
海山萬里一望中

丁巳除夜

兀坐燈前獨不眠
酒悲詩瘦也堪憐
蛇年心計終蛇尾
馬歲須期快著鞭

戊午

海邊松

十丈驚濤拍岸時
危帆掛在最高枝
聖明今日海如鏡
寫出蒼髯千歲姿

瓶梅

瓶中插得一枝花
鐵骨依然舊槎枒
憐看書窗無月夜
借燈半壁繪橫斜

寒霞溪

浣花溪水落花紅
煙碧鶯啼楊柳風
椽筆誰能描此景
擬呼詩聖浣花翁

西都雜詩

宮樹籠煙春晝幽玉珂聲少有鳴鳩東山三十六峯好翠色依稀
影御溝

十二宮門鎖碧霞舍人無事對飛花可憐御道青青柳日拂紅塵
待鳳車

六朝文物託瓊簫丁字簾前魂易銷第四第三橋畔柳舞腰輕裊
向人嬌

數杵鐘聲已報晨曉煙低拖鴨河濱紅樓挾水殘燈白應有春眠
未醒人

春水生時裙可滿美人門巷綠楊前鴨河染得臙脂色兩岸家家
曝友禪

禹鑿剛開補化工琵琶湖一水帝京通偉功今日酬何薄不鑄黃金
只鑄銅

垂柳垂楊水欲煙鴨干春色雨餘天嬋妍京女白於雪絢爛如花
服友禪

依然尙見舊繁華鈿笛玉簫歌舞奢紫處是山明處水當中柳擁
阿嬌家

千株柳巷綺羅風家貯能歌盛小叢公子銀鞍金絡馬一聲嘶入

綠楊中

鴨河萬斛騰脂水
瀉在綠楊門巷前
寫出雲鬟三十六
到頭不著一歌船

東山四時詞

仙凡不隔一重霞
鐘磬聲中絲竹譁
併作東山春色好
妓樓楊柳寺門花
數杵晨鐘度客樓
夢醒枕上冷於秋
一痕殘月朦朧影
帶得鷓鴣聲掛塔頭

六六峯巒映御溝
丹楓如錦夕陽秋
無人葉上題紅怨
影落清波

曾不流

佛天平等雪千堆
琪樹東山古梵臺
只有鐘聲埋不盡
白模糊外破雲來

琵琶湖

山色湖光自一鄉
食無海味亦何妨
客憲上膳水晶膾
此是江州源五郎

欸乃聲幽鷗不驚
清波萬頃與天平
湖心蘸得比山影
舟自瑠璃盤上行

詠史

五十年

馬鬣封頭草未青東風吹雨滿城腥
膾炙孤嚇寡策何點藉得洪鐘
二字銘

赤穗雜詩

白帆不動白鷗眠一望晴開四國邊
午日如烘風正死海天直上
煮鹽煙
磬聲敲斷晚淒其欲弔忠魂淚自垂
土不埋名苔蝕字並頭四十
七殘碑

赤城一角拓荆榛碧瓦雙巴廟貌新
千歲春風吹不斷櫻雲堆裏
祭忠臣

城崎

聞說靈泉功似神四時浴客去來頻
不知一例能醫否中有煙霞
痼疾人

也似吳越同舟親清泉堪洗六根塵
捲簾欄角隔街對北陸人兼
南海人

圓山川

風蘆瑟瑟夜淒其何處一聲漁笛吹
回首水明樓不見依稀江月

照殘碑

長江漾漾帶斜暉猶記曾游舊釣磯
玄武洞前煙水碧蒹葭楊柳
鯉魚肥

日和山

潮氣淒迷海日微渺茫不見片帆歸
鄂羅鞋謁知何處萬里長天
一鶻飛

松江

銀燭珠簾歌舞誇紅樓臨水美人家
一鄉花月春宵好佳麗山陰
小浪華

松江一夜卸行裝却笑季鷹憶古鄉
何只蕩鱸秋味美春風三月
海羅香

客樓夢醒對殘缸堪聽何來笛
一腔徒想秋風鱸膾美桃花時節
入松江

穴湖

斜日疎鐘落遠汀跳魚有響靜中聽
鏡光一碧瑠璃水寫出雲山
太古青

春漲溶溶綠一灣碧雲湖上白鷗閒
漁人投網無聊賴碎破波心
倒影山

安來

冥邈那邊常世州不看獨木剗成舟十神山翠依依在潮去潮來
槳唱悠

浦口無風鷗不驚煙波滉漾與天平漁郎信宿歸來未蠶婦茅檐
結網成

大社

百尺長松掩半空梢頭時聽度神風鴻濛一氣三千歲廟貌森嚴
大社崇

望隱岐

帝魂何處海天悠千載難銷無限愁夜色淒迷殘月白孤鴻啼過
隱岐洲

生野

十又七人魂尚迷溟濛林樹有餘悽孤墳三尺莓苔長春雨如煙
鶯亂啼

山陰道上口占

三句游跡竟如何雲伯因丹瞥眼過一笑寫經吾技拙山陰道上
逸群鷺

詠史

後四百年敲背呼使君動業不如吾援郎一自擲掄去大樹到頭
顏色無

枉爲兒曹拚一身仇家枕上未曾鬢綺憲援得畫眉筆描出柳營
三代春

杜鵑花

鶴林何處隔年華遺種空存鎖絳霞丹血染成紅萬朵杜鵑花是
斷腸花

晚春即事

看盡百花聽盡鶯春光如夢若爲情村園三日靡蕪雨燕子銜泥

壘已成

廣陵

端的山陽小浪華橋腰水壓開船車垂楊垂柳淺深綠一抹長干
曲裏家

百尺城頭翻錦旗山川兩度拜威儀覺羅獻地俄羅遁曾是先皇
赫怒時

詠蟻

群蟻相逢偶語回墻陰滿地漠青苔大王南面槐安國忽被頑童
蹂躪來

詠蝶

曲肱一夢百忘機物我難分况是非蝶也便周周也蝶蓮蓮栩栩繞花飛

鴻城

依稀山紫水明鄉粉飾豪華夢一場紈袴風流輕武備蕭牆不守付陶郎

二條三條擬帝鄉大路小路如京坊美人粧靚猶都樣大內遺墟賣外郎

討逆報君功不空四州草木靡威風鵲巢誰是鳩居者藝石防長

盡屬公

爭奈霸圖終作空驍名唯剩二州雄銅人不語當年事立盡西風落日中

遺恨曾輸六國城二州屏息暗磨兵他年東伐報仇日贏得勤王第一名

壇浦

兩家成敗等間看戰跡千年水淼漫剩得崖山無限恨淒煙殘月御魂寒

阿彌陀寺

彌陀寺畔去來潮千歲淘沙恨未鎖憐殺難僧諳舊事慙慙向客
說前朝

山行

行行已覺隔人寰手拂白雲心自閒寫下崢嶸三百仞何知日夕
入窻山

夏意

南風如水綠陰清一簇卯花斜日明深樹鶯啼猶未歇前山又聽
杜鵑聲

梅雨雜詩

黃梅欲落雨絲絲濕透琴書冷透帷壁上蝸行題古篆窻閒人懶
著新詩

細雨蕭蕭灑碧苔空庭晝靜落黃梅怪看郭索膽如斗傍若無人
上座來

机上生徽硯一枚簾前排悶酒三杯半窻細雨午如水無數黃梅
落綠苔

紫腿紅消昨惜春梅天鵲語又傷神欲然別有榴花火燒殺塌來
多恨人

青苔滿地兩無音綠樹鶉鳴一院深珍重一籃隣叟贈枇杷擘得

向陽書屋續集
卷之四
嘔黃金

衆綠低迷晝寂寥
芭蕉葉大雨聲饒
墻陰尙剩半弓地
手劄青苔種菊苗

午窓細雨鬱難開
氣味如醒夢乍回
一笑女兒憨態甚
微颯忍聽嚼青梅

愛箇小園猶未荒
黃梅雨細滿畦香
薑芽抽地纔盈寸
瓜蔓著花三尺長

箬笠茜裙歌可憐
新秧插處雨如煙
借將村女摻摻手
綠盡橋南百頃田

一架葡萄綠作團
龍鬚帶雨拂簷端
笑探領玉小於米
未直涼州刺史官

夏日雜成

歸牛鳴過野塘西
茅屋柴門傍小溪
借得黃昏微月影
水晶花底洗鋤犁

雲峯支日熱熾熾
蒸地殷雷度大空
底事去爲遙處雨
微涼纔動一簾風

午日如烘透葛衣
惱人餘熱上琴徽
憂然有響一絃斷
不是秋風孤雁飛

時事紀感

誰道連年穀價昂村翁勞苦未全償都門求活携家去取次田園
欲就荒

休言今歲太豐饒給足偏望鼎鼐調米價却輸蠶價貴稻田半是
植桑苗

怪風猛雨慘何頻百姓怨時天亦瞋只有至尊憐赤子絕無丞相
問牛人

食無米粟住無居滿目荒涼水溢餘綠淨一泓魚長處何知村甲
舊樓墟

失子失孫將倚誰荒村災後有餘悲瘦殘翁媪相扶起泣弔一雙
新木碑

神兵颯沓捲風濤萬里懸軍意氣豪赤日旗頭排白霧黑龍江上
斬紅毛

朔北羽書傳捷時欣然凝眼地經披分明點檢貝湖畔一筆研朱
畫旭旗

攝河途上所見

流盡嘉禾浸盡疇連天漫水暮雲愁西風吹雁雨聲冷七十二村
酸鼻秋

渺茫亂水僅通船何處是家何處田滿目淒涼雞犬盡秋寒攝河
二州天

金波樓題壁時有陸軍大演習

破曉礮聲驚客眠陣雲欲動太湖天飛行機影小於雁橫過依稀
殘月邊

飽賞湖山夜未眠微吟獨倚酒樓前一聲漁笛不知處月白蘆花
淺水邊

近事

兇胡遁竄避天兵父老壺漿驛路迎只一丸泥封得足受降何用

築三城

書懷

世味嘗辛不識甘蟲蟲鳴過笑他愁安全何若學藏六興到時彈
琴第三

除夜讀書

歲首無懷况歲除百年超越死生餘一燈剔盡四更坐貪讀淮南
寶鴻書

一剪寒檠送歲除白頭添白感何如百年逝水今過半天地猶餘
未讀書

祭詩

屈憔悴兩堪悲吟苦終年未吐奇
舊草閱來無可祭一杯爲酌
半龕詩

巳未

歲旦口占

杲日東瀛萬象新西歐仍有劫餘塵
三千年所無雙國先占坤輿
第一春

朝晴雪

蓬萊宮闕九重門玉殿生春燦
瑞暎知得鼎臣朝賀早銀沙已印

駿蹄痕

朔北也無聽鼓聲天驕竄盡大荒西
皇威已及蓬婆外晴雪今朝
入御題

罨畫江山雪後村紅暎照出白乾坤
溪頭鷺立顧無影林外鴉過
點有痕

詠羊

自擬忠臣高士朋長髯主簿意堪矜
生前嚼雪隨蘇武身後留裘
伴子陵

偶成

售價連昂勢不摧木綿衣服苦新裁柔毛况復終難給誰替初平
叱石來

舊醅已貴况新醅爲恨三杯減一杯訝得民貧邦却富黃金卅億
積成堆

近事雜成

慶戰五年雲霧開到頭天定勝人來一朝榮辱先更地獨帝蒙塵
白帝回

歷山末路遠人憐白帝還宮意豁然燐碧生靈三百萬維廉依舊
一身全

我有田單况火牛奪還故土志初酬若將卽墨比巴理七十二城
此二州

天覆人閒何有私誰將黃白別尊卑東隣長老廣長舌怪得片言
無說之

嘗膽空過五十秋會稽積恨一朝酬山川無恙重更主駘蕩春風
滿二州

絕代霸圖歸劫灰伯林城上角聲哀北流猶剩菜因水却使南人
飲馬來

一身繫得萬夫望樽俎場如百戰場底事星槎行未半悠悠猶在

水中央

正義立言明似璣
誦觀畫虎狗先非
聯盟一燦中無骨
粉飾等閒錦繡衣

漫將人種別西東
誰是主盟當代雄
大筆畫龍睛不點
良工辛苦半歸空

輔車千古勢相因
何事西家不敢親
遠水豈能防近火
莫將白眼向東隣

自大鄰爺弄小才
東家親切却相猜
何知傀儡乍飛躍
背後有人操縱來

梅

一枝已作十分春
雪裏月前俱見真
與我畧同清骨相
最難修得是精神

尋梅

尋遍山隈又水傍
春來幾日爲梅忙
觀梅却忘嚼梅蕊
竟少新詩一字香

此性元無阿世才
孤標偏恐染塵埃
賞春不向官梅路
隨處追香尋野梅

紀元節

天孫垂統幾千秋國體尊嚴無匹儔義是君臣情父子巋然卓立
大神州

昨帝今囚手一翻西歐雲雨不堪言縱然時代思潮險自有神州
國體尊

春風

容易催花容易翻吹過二十四番番春風至竟無功罪付與愁人
自斷魂

春雨

爛漫千枝萬朵紅賞花莫叨說春風春風却是擺花去孰與養花

春雨功

瀨田川

水態山容似畫圖湖光帆影淡將無夕陽却在橋欄角照出千年
擬寶珠

無數蘭橈載酒浮溶溶春水碧於油作幫別有瓜皮小知是漁人
撈蜆舟

怪石奇巖似琢彫兩山相蹙勢巉嶮桃花水漲鹿跳澗一鹿不跳
羣鯉跳

湖西途上

越國曾擎水土燃大津宮趾綠燕邊燦乎律令不磨字千二百春
王制宣

漠漠曉煙魚氣腥一聲鴻雁過前汀江州富士淡干夢先自天邊
露寸青

妙品元推天下尤琳琅產出太湖頭虎斑不減羅紋好誰貶江州
褒歛州

欲沾微醉入茅軒滿架藤花瓔珞翻自有典型柔旨酒料知己近
聖人村

舉世爭趨駟會群煢然隻手柱斯文千年不朽醇儒澤一樹藤花

滿院芬

暖煙一抹漠難晴只聽沙禽憂憂鳴咫尺笙洲看不見孤帆如夢
眼前橫

最愛湖村行客稀停車幾度立漁磯春風不駭白鷗夢新漲溶溶
金鯽肥

湖西風色勝湖東行過松青沙白中云是江州新舞子笙洲當面
淡州同

望竹生島

激澗晴波絕點埃分明仙女鏡奩開天將一碧葱籠玉拋得瑠璃

盤上來

度竹生島

小艇看同大願船爭維篁島佛陀前游人亦趁善男女賽自觀音到辨天

時事

李王解璽自稱臣聖帝垂恩准懿親八道山川生色足一新面目十餘春
桑滄閱盡幾艱難養老初知一枕安昨夜春風分外惡李花委地雨聲寒

十年撫化萬黎安儘有狡童猶屈盤天子稱陵何許濫可容平地起波瀾

春閨

玉箏一曲想夫憐無限春愁更糾纏羨殺狸奴時伴偶牡丹花底負喧眠

夏日雜興

梧桐蔽屋竹當軒窗外芭蕉風自翻不著人閒三伏熱午眠才醒卽黃昏

芭蕉移植碧婆婆午蔭紗窗引睡魔生怕今秋聽雨夜蕭蕭枕上

滴愁多

風聲浙瀝雨聲酸孤枕通宵結夢難曉起小童來報道芭蕉半敗竹平安

涼入孤衾夢乍驚小窗敲枕到平明竹邊細細蕉邊大一兩翻爲兩樣聲

修竹送涼風自清芭蕉遮暑雨時鳴一窗無恙過三伏看到梧桐秋意生

一陣涼風暑乍空雨如銀竹響豐隆天公疑有愛憎意隔水前村斜日紅

秋懷

少年交友半將殘白髮逢秋秋更酸棲鳳梧桐飄落後藏鴉楊柳不勝寒

敗醬

金粟成堆滿地黃秋郊尙未必荒涼嬌名於汝無輕重誤被人呼做女郎

秋興雜詩

社鼓聲中賀歲穰雨晴滿地稻雲黃寄言村叟莫辭醉酒價雖昂米亦昂

公田私田期歲豐二百十日秋晴中前村向晚開猿劇鼓笛聲傳
權程風

社鼓蓬蓬響閩鄉歡呼何處鬧斜陽張三李四賣餘勇祠下爭登
角抵場

亭午閒園露未晞槿籬蕭索冷秋暉可憐蟋蟀瘦無力抱著寒花
不肯飛

憲竹洗餘風倍清簷桐飄後月加明庭前別有蟲聲好聽自初更
到五更

西風浙浙雨斜斜短短籬笆小小家屋後桔槔高出屋上頭著得

一寒鴉

門司

繁華別拓一區寰粉壁樓臺壓馬關請看西州無限富埠頭石炭
積成山

博多

十萬胡魂何處眠霸家臺下水如煙神風餘勢今安在海不揚波
六百年

太宰府

蛾眉謠詠事堪憐忍讀斷腸秋思篇廟貌儼然人敬起梅花星月

一千年

熊本

形勝依然歲月空一邱祠宇祭英雄萬人崇敬今如昔鈴索聲傳
日暮風

孤忠有恨志難酬一代威名絕匹儔白堞紅蘿秋欲老半天城閣
仰肥州

字佐

老樹層嵐白日幽鑾聲縹緲古祠頭神明一自呵莽操無盡天潢
滾滾流

別府

浴餘嘯向海樓風潮外白消帆影空欲紫豫山殘暮色夕陽鴉背
霎時紅

洲渚噴煙奇怪哉穿沙爭浴藥泉回須臾潮漲乍無跡只見波閒
鷗去來

豐州途上

途自犬鷄鳴處通村園半在落霞中秋風粧點北豐路櫨葉紅於
楓葉紅

蚤婦凝望立蓼磯一灣秋色冷斜暉暮煙如夢漁歌遠萬頃蒼波

人未歸

筑肥途上

滔滔筑水有餘威怒漲今猶嚙石磯欲問當年忠戰跡沙禽憂憂
背人飛

無數青山擁後先阿蘇獨拔鎮西天人生吐氣須如許終古濛濛
萬丈煙

一路西風筑紫州漁村殘笛奈新愁鴈聲吹雨蘆花冷落日蕭蕭
水國秋

目斷渺茫玄海頭壹山如夢對山悠三韓遠在煙波外亦是扶桑

日出州

九月梨花

九月梨花雪作堆可憐一朵為誰開多情未飽春宵夢又被秋風
賺得來

松下禪尼

紙格丁寧補得全禪尼訓戒世稱賢兒孫更極糊塗巧陽立親王
陰竊權

青砥藤網

儉素當年人喚賢苦辛撈得水中錢自遺自拾無功罪也勝主家

攘柄權

勝家破甕

無復城中一滴量水缸破斷勢逾揚與他背水若相比異曲同工
新戰方

謙信送鹽

男子襟懷公且明只應弓箭決輸贏萬斤鹽鹵任君取一寸山河
要力爭

山田長正

唾手功名別有存男兒意氣壓乾坤扶桑掌大無餘地萬里南溟

屠六昆

塙保己一

羣書類聚三千卷絕代精根無等倫世上心盲多少者不如一介
目盲人

山內一豐妻

婦人也有丈夫心買得驢驢如買簪用意誰知粧匣底不藏紅粉
貯黃金

詠史

奈此難排當道豺中興偉業與心乖斷腸未遂渡河志泣奉黃金

十二牌

恨殺滿庭無敵愾誰懷孤憤空歎歎南風不競死聲多天使忠臣
歌正氣

山居

松陰移榻枕書眠竹裡携茶汲水煎繞屋青山非我有住山不要
買山錢

山行

山徑不逢春夢婆負飄只似老東坡醉餘得句漫題石付與樵人
隨意歌

閒居

庭苔不著屐痕斑非有人關門自關睡足呼茶神更爽南窗獨坐
見青山

喫茶

醉後最嘉醒後嘉喫來七盃又須加空腸無復五千卷比得盧同
易受茶

風爐湯熟綠煙斜竹院眠醒試露芽酒有別腸吾不若胸中壘塊
只澆茶

菊花

典午山河事耐悲千秋歛跡在東籬黃華不改當年色猶是金刀
一剪枝

千古高風曉色寒晉人採擷楚人餐半瓶秋水金精發屈意陶情
一併看

司馬山川寸土無秋芳何處托根孤唯應三徑與松伴媿伍滿郊
劉寄奴

沉湘彭澤迹難追剩有傲霜花一枝屈是醒兮陶是醉者般心事
菊唯知

離騷賦裏且堪誇又托柴桑五柳家若欠陶心兼屈怨千秋唯是

一寒花

京都觀某繪畫展覽會

無鹽粧靚綺羅鮮漫向傍人欲乞憐孰與西施通體麗粉脂不傳
自嬋娟

紅抹粉塗誇技工有人私語友禪同唯看混沌如雞子畫法難分
西與東

八尺水縑畫者誰無端涂抹墨淋漓看來狂漢不狂漢却使君名
天下知

阪本

如此湖山天下稀壯圖一敗與心違可憐三日唯稱霸贏得千年
衆口譏

無復霜林二月花游人去盡有棲鴉夕陽空照三橋畔閒却溪邊
賣酒家

西風吹雁落湖隈林外鐘聲暮色催一路迢迢延曆寺孤僧如夢
下山來

歲除

歲首匆匆忽歲除應酬音問禮都虛迎新送舊何多事不若人閒
無曆書

百年日月一飛丸復值歲除空浩嘆雪盡髻鬢霜盡髮老來詩境
不堪寒

284
212

向陽書局發行

終